

Աղբիւր Եւթաղեայ :

Սմենայն իրիք յամենայն ուրեք ժամանակէ . աւճէ՛ գոյ՛ հասանի յաստիս , և դարձեալ միւսանդամ անդրէն գաղարի :

Բայց յաղթօղն կարեաց միայն ամենայնի յաղթէ . մի լինիր ամբարտուան՝ յորժամ ՚ի յանկալի փառաւորութիւնս իցես , և մի դժուած՝ յորժամ ՚ի թշուառութի հասարկիցիս . զի եթէ այսպէս զլշիռն ունիցիս , արգար կշուից կենաց աշխարհիս լինիցիս . քանզի ո՛չ ՚ի պարզ , և ո՛չ ՚ի յօղուածոյս՝ ՚ի վասակարութիւնս անկաք , այլ ՚ի բուղւմն և յանհնարինս . և ՚ի պէս պէս դառնութիւնս .

և չիք որ՝ որ այնց միտթար լինիցի մեզ : Յամենայն կարծեաց բարութեանց միանգամայն վրկպէցոյք յաշխարհի՛ և ՚ի կենաց , և ՚ի մեծութենէ , և միայն օգնական չարեաց՝ զանմութիւն դատի :

Եւ արդ՝ քանզի բազում վշտօք պատեցոյք ո՛վ անձն՝ մի վհատիր յաշխատութիւնս . այլ համբեր յաշխատութիւնս՝ իբրեւ զլաւ ինչ անձեալ զմտաւ , և թէ՛ ո՛չ զոր կամի որ և խորհի՛ զայն առնէ , այլ զոր ո՛ն խնդրէ որ և փախչի՛ զայն կրէ , այլ աստուածեղէն սահմանըն՝ ամենայնի յաղթել խոկայ :

Ասաց ոմն , ասաց մեզ այսպէս . Պրեւտիկիս գլուխ մի՛ եթէ յոյք առ կենդանեօք , անյոյք մեռանին . թէ այն պէս իցէ , պարտ է համբերել վշտաց . և սանկ առաքինութեամբ կարեաց , զի ոչ որ է ինչ . և չէ ինչ ՚ի կեանս երկրածնաց . և ոչ ինչ ՚ի նմին հաստատութեան յիրաց մարդկան կայ . այլ իբրեւ զանիւ՛ շղի ամենայն և ընթանայ . և արդ՝ ես թախծեալ մտօք ընդ այս ու մենայնի՛ գրեմ անձամբ անձին խնում , և առ սնունդ հօր խոյ զբազում թշուառութիւնս իմ :

Վայ է ինձ յորժամ անձեմ զմտաւ զփոխփոխուես . զլա մենայն ինչ մարդկան՝ իբրեւ զմարդկան տեսանեմ . և մի միայն հաւատարիմ յոյս թողի ինձ , զԱստուծոյ և եթ մարդասիրութիւնն :

Ալէ՛ . Աղբորմութեամբ Տեառն լի եղև երկիր և բանիւ Տեառն երկինք հաստատեցան . և Հոգւով բերանց նորա ամենայն զօրութիւնք նորա :

Արցոյ Աւետարանիս Յիսուոյ Քրիստոսի՛ որ ըսա Յովհաննու : Գլ . ԺԿ . 25 .

Տէրն մեր Յիսուս Քրիստոս ասէ :

Չայս խօսեցայ ընդ ձեզ մինչ առ ձեզ զըս եմ . իսկ միտթարիչն Հոգին Սուրբ՝ զոր առաքեսցէ Հայր յանուն իմ , նա ուսուցէ ձեզ զամենայն , և յիշեցուցէ ձեզ զամենայն որ ինչ ասացի ձեզ :

Խաղաղութիւն թողում ձեզ , զխաղաղութիւն զիմ տամ ձեզ . ոչ որպէս աշխարհս տայ՝ տամ ես ձեզ . մի խռովես

ցին սիրտք ձեր , և մի զանգիտեսցեն : Լուայք զի ասացի ես ձեզ՝ թէ երթամ և գամ առ ձեզ . եթէ սիրէիք զիս՝ ապա ուրախ լեալ էր ձեր՝ եթէ ես առ Հայր երթամ , զի Հայր իմ՝ մեծ է քան զիս :

Եւ այժմ ասացի ձեզ մինչեւ եղեալ , զի յորժամ լինիցի՛ հաւատասցիք :

Ոչ եւս այլ շատ խօսեցայ ընդ ձեզ . գոյ իշխան աշխարհիս այսորիկ , և յիս ինչ ոչ գտանէ . այլ զի ծանիցէ աշխարհ՝ եթէ սիրեմ զՀայր , և որպէս պատուիրեաց ինձ Հայրն՝ այնպէս առնեմ . Օն արիք դնացուք աստի :

Արասացութիւնն Հրեշտակայինն է . Իսկ՝ յորժամ պատարագիչն հասանի յայն տեղին յորում ասէ՝ Առէք կերէք , դպիրքն երգեսցեն շարական ԲՅ , Սարսափելի հօղոց :

Աղթք հանդերձ ծուր դնելով զՏէր ա .
Նրբ անգամ , զիտի՛

Եւ եւս խաղաղութեան . Օրհնութիւն և փառք .

Աղթք՝ որքոյն Յովհաննու Ոսկեբերանի ասացեալ ՚ի սուրբ Երրորդութիւնն .

Սմենակալ անարատդ Աստուած անըսկիզբն հայր՝ անտեսանելի , անբաւելի , անարտմելի , անպարագրելի , անփոփոխելի , անիմանալի , անհասանելի : Որ միայն ունիս զանմահութիւն բնակեալդ ՚ի լոյս անմատոյց :

Որ բանիւ քո արարեր զերկինս և զերկիր . զծով և զցամաք , և զամենայն որ ՚ի նոսա . և Հոգւովդ քով Սրբով գոյացան եղեսուքս ամենայն :

Եւ վասն անչափ սիրոյ քոյ առ ազգս մարդկան , առաքեցեր զվրածին Արդիդ քո փրկել զմեզ յանիծիցն Ագամայ :

Որ լծեալ յերկնից մարմնացաւ Հոգւով Սրբով ՚ի սուրբ և յանարատ կուսէն Մարիամայ . և զամենայն կիրս մարդկային կրեալ բոց ՚ի մեղաց , աղստեաց զմեզ ՚ի կրից մեղաց :

Եւ խաչի և մահու համբերեալ յաղաղքս մեր , փրկեաց զմեզ ՚ի ծառայութենէ ոատանայի . և յերկրպարտութենէ կուոց :

Եւ ուսոյց՝ ամենասուրբ Երրորդութեանըդ զգլուխ և զծուր խոնարհեցուցաւ .

նել, և խնդրել զթողութիւն մեզաց :
Եւ յետ յարութեանն՝ երեւեցաւ աշակերտաց իւրոց՝ զանազան նշանօք յաւուրս քառասուն, հաղորդելով ընդ նսաս հացիւ՝ ՚ի հաստատութիւն կենսաբեր տնօրէնութեանն :

Եւ ՚ի վերանալն յերկինս՝ ՚ի քառասնէրորդ աւուր յարութեան իւրոյ, եղծեռն ՚ի վերայ՝ և օրհնեաց զաշակերտսն, տալով նոցա զկատարեալ շնորհս առաքելութեան :

Եւ եբաց զմիտս նոցա իմանալ զգիրս եւ պատուիրեաց նոցա մնալ յճրուսաղէմ, և սպասել աստուածային խոստման աւետեացն չօր երկնաւորի և մարգասիրի :

Դու Տէր, պարգեւ եցեր ազգի մարդկան զանբաւ ողորմութեանդ շնորհս :

Առաքեցեր զէակից քո զՀոգիդ Սուրբ ՚ի մեծի միաշաբաթիս, ՚ի կատարման յիսներորդի աւուր յարութեան Փրկչիդ :

Յերրորդ ժամու գոյացաւ նախահայրն Ադամ ՚ի Հոգւոյդ Սրբոյ՝ յոգի կենդանի՝ աստուածային իշմամբ, զոր անդէն կորուսեալ ճաշակմամբ ստողոյն, և մահացեալ :

Վերստին դարձեալ ՚ի սոյն ժամու՝ կենդանաստեղծի Հոգւոյդ Սրբոյ իջմամբն ՚ի դասս Առաքելոյն :

Որ ՚ի հրեղէն լեզուս երեւեալ նստաւ ՚ի վերայ նոցա՝ և լցոյց զամենեսեան Հոգւով Սրբով՝ խօսիլ յամենայն լեզուս, և ՚ի լսելիս միով ձայնիւ տպաւորելով Սուրբ Հոգւովդ :

Որ եւ առաջին ծնունդ ծնեալ զերեք հազարսն՝ յանուն Հօր և Արդւոյ և Սուրբ Հոգւոյդ, առաջին երկրորդեցին սրբոյ Յրրորդութեանդ :

Ընդ որս և մեք այսօր զծուր և զպարանոցս խոնարհեցուցանեմք, և քո Առաքելովքն աղաչեմք, ընկալ զմեր զերկրրպագութիւնս ընդ նոսին, և որք նովին արժանաւորութեամբ խորհրդաբար երկրպագեալ քեզ մինչեւ ցայժմ :

Ընդ մեզ յաւուրս յայսմիկ մեծի Պենտէկոստէիս . յորում աւուր զՀոգիդ Սուրբ ՚ի ստորինս առաքեցեր յերկնից :

յետ համբառնալոյ Արդւոյ քոյ Յիսուսի յերկինս . որով՝ հաւատովք կարդամք աւ քեզ :

Հայեանց ՚ի բարձանց ՚ի սրբութենէքումմէ ՚ի ժողովուրդս քո . որ առաջիկան, և ակն ունին մեծի ողորմութե քո :

Առաքեա զբարերար Հոգիդ Սուրբ այսօր ՚ի տաճարս քո, և ՚ի ժողովեալքս ՚ի սմա, որպէս յայնժամ ՚ի վերնատունն ՚ի յԱռաքեալսն :

Չի և ՚ի սմա միածին Արդիդ քո հանապաղ պատարագի . որպէս ՚ի վերնատունն ուր զխորհուրդն սուրբ աւանդեալ բաշխեաց աշակերտացն, ՚ի խորհրդական ընթրիսն . և զնոյին լուաց զոտս, և դրօքն փակելովք երեւեցաւ յառաջին միաշաբաթին՝ ՚ի յարութեան երկնոյին . և դարձեալ յութեբորդ աւուրըն՝ ՚ի վերնատանն :

Եւ ՚ի կատարման Պենտէկոստէի աւուրցըս՝ իջեալ Հոգիդ Սուրբ փշմամբ հողմոյ . և ելից զնա հրով՝ հանդերձ ՚ի նմա միաբանելովքն սրբովք :

Վասն որոյ փառաւորեմք զքեզ բարերար Տէր, Հայր տեառն մերոյ Յիսուսի Քրիստոսի, և աղաչեմք զքեզ բոլորով սրաիւ :

Մայեանց ՚ի մեզ քաղցրութեամբ, և յլշեա զթութեամբ եւ ողորմութեամբ քո զսառապեալքս և զգաստապարեալքս, և դարձո՞ զգերութիւն հոգւոց մերոց ըմբռնելոց ՚ի բանսարկուէն, և կանգնեա զանկեալքս և զկործանեալքս :

Աղաչեմք զքեզ մարդասէր Տէր, զի թէպէտ և մեղաք, սակայն ՚ի քեզ անկայք յարգանդէ աւազանին, և դու ես Աստուած մեր :

Մի թողուր զմեզ . զի պակասեցան յունայնութեան աւուրք մեր . և եղաք նախատինք թշնամեաց, և ծաղր և այսինատելեաց մերոց :

Այլ յուսալով յողորմութիւն քո՝ որ յաւուրս յայսմիկ եղեւ, հայցեմք ՚ի քէն . բանց մեզ զդուռն ողորմութեան քոյ, և սրբեան զմեզ ՚ի գաղտնեաց մերոց : Տէս զխոնարհութիւն ծառայից քոց, և թող մեզ զամենայն յանցանս մեր ըզ

կամայ՝ և զակամայ, զգիտութեան՝ եւ զանգիտութեան:

Շնորհեա՛ զքառութիւն ժողովրդեան քո, և մաքրեա զամենեսեան զօրութիւն չոգւոյդ Սրբոյ:

Փրկեա՛ զմեզ ՚ի բռնութենէ՛ թշնամւոյն. և ամրացո զկեանս մեր ՚ի չարահրնար խաբէութենէ՛ բանսարկուին: Հրեշտակի խաղաղութեան յանձն աւրա զմեզ, որ յառաջքան զհայցելն, ըզպէտս մեր սրատրաստես:

Արժանացո՛ զմեզ նախ քան զվախճանն մեր, դառնալ առ քեզ խոտտովանութեամբ և սպաշխարութեամբ:

Տաճարացո՛ զամենեսեան յրնգունելութիւն չոգւոյդ Սրբոյ, ընդ սրբոց Առաքելոցն. և ընդ նոսին գրեա՛ զանուանս մեր ՚ի դպրութիւն կենաց:

Չամենեսեան զմեզ ժողովեա յարքայութիւնդ քո՝ ՚ի վերինդ Նրուսաղէմ, յերկնային բարձրագոյն վերնատունդ. զի քոյ է ողորմութիւն. եւ քեզ փառս վեր առաքեսցուք և միածնիդ քո Որդւոյ և Ամենասուրբ Հոգւոյդ. սոյժմեւ միշտ եւ յաւիտեանս յաւիտենից. ամէն:

Հայր Երմուտոյ • շարական ԲԷ • Ա յօր Երկնայեանն •

Աղօթք հանդերձ ծուներ. (սրպէս ՚ի վերոյ):

Գործակ աղօթք.

Տէր մեր Յիսուս Քրիստոս՝ որ զքո խաղաղութիւնդ շնորհեցեր սրբոց քոց Առաքելոցն՝ փշմամբ ՚ի նոսա. և զչոգից յայտնապէս սոսոր պարգեւեցեր նոցա. որ եկեալ ՚ի Հօրէ բնակեցաւ ՚ի նոսա, եւ զտրամութիւն նոցա մխլթարեաց. և հրեղէն լեզուօք՝ ՚ի լեզուս նոցա հանգուցեալ, եբաց զբերանս նոցա խօսիլ յամենայն լեզուս:

Եւ զամենայն մարդիկ՝ որ յաշտարակէն բաժանեալ էին, ՚ի բազմաստուած մտրութենէն՝ միաւորեաց ՚ի մի աստուածգիտութիւն ճշմարիտ երէք անձնական զօրութեանդ. յամենայն լեզուս զմի Աստուած փառաւորել ուսոյց՝ աւետարանին քարոզութեամբն ընդ ամե-

նայն տիեզերս, և նմին միայնոյ զծուներ խոնարհեցուցանել. որպէս երէք հաղարքն նորածնեալք յայսմ աւուր մկրտութեամբ:

Ընդ որս և մէք նովին հոգւով լուսաւորեալք՝ հաւատով զծուներ խոնարհեցուցանեմք սրբոյ Նրորդութեանդ, և աղաչեմք միաբան ժողովեալքս:

Մայեա՛ յիս յանարժանս, որ զաղօթս ժողովրդեանս քոյ՝ քեզ մատուցանեմ աւաջի սրբոյ սեղանոյ քոյ:

Բանց Տէր զիմ մեղաւորիս չրթունս, որպէս զերանելի Առաքելոցն. և լցո՛ Հոգւովդ՝ հազորդիլ ամենայն շնորհաց ՚ի քէն տուելոց ընտրելոց քոյ:

Եւ մի վասն բազում մեղաց իմոց արգելցես զողորմութիւն քո յինէն. որ յուսով կամ առաջի քոյ, և հայցեմ յանբաւելի գթութենէդ:

Արժանի՛, արա զճառայս քո աստուածային սարգեւացդ. իմաստութեան, և հանձարոյ. խորհրդոյ, և զօրութեան. գիտութեան, և աստուածսլաշտութե. և հոգւով երկիւղի քոյ՝ լցո զիմ միտս, և սիրա սուրբ՝ և հոգի ուղիւ՝ և զմիտ մաքուր նորոգեա ՚ի մեզ:

Որ նաւելոց նաւահանգիստ ես, ուղղեա զգնացս իմ ՚ի ճանապարհ անբիծ, խորհիլ միշտ յօրէնս քո. պահել զսլատուիրանս քո. առնել զհրամանս քո. քարոզել զբանս քո. երկրպագել Հօր՝ Հոգւով և ճշմարտութեամբ, եւ աղօթել Հոգւով եւ մտօք յանուն քո՝ ըստ անսուտ բանին զոր ասացեր, եթէ զորինչ խնդրիցէք ՚ի Հօրէ իմմէ յանուն իմ՝ տացի ձեզ:

Յոր խոստումն, և ես մեղաւորս յուսայով աղաչեմ զտուողք բարեաց և ողորմութեանց. որ շնորհես առաւել քան զոր ինչ խնդրեմք և իմանամք, կատարել ՚ի բարի զաղօթս մեր:

Որ զախտացեալ բնութիւնս մեր. յանախտ աստուածութիւնդ քո միացուցեր. և նովին կարեաց մերոց կցորդեցար, և զախտ մեր բժշկեցեր:

Լուր մեզ Աստուած փրկիչ մեր. խոնարհեցո զունկն քո յերկրպագութիւն

ժողովելոցս 'ի սուրբ Նիկիզեցի .քո՝ ըստ նմանութեան .քոյոց ընտրելոցն՝ 'ի սուրբ վերնատանն :

Սրբեա՛ զսոսա յամենայն պղծութենէ մեղաց . և առաքեա զՀոգիդ Սուրբ 'ի միաբան հաւատացեալքս , զի բնակեացի 'ի մեզ . և լուսաւորեսցէ լուսով առ տուածգիտութեան . և առաջնորդեսցէ մեզ ամենայն ճշմարտութեամբ 'ի սահպանութիւն պատուիրանաց .քոց :

Եւ ամենագէտ արայցէ՛ աստուածային պատուիրանացն , զոր խօսեցան մարգարէքն և Առաքեալքն և վարդապետքրն՝ 'ի ձեռն Հոգւոյն Սրբոյ . զի ուսուցանէ և զօրացուցանէ առնել զամենայն :

Ազաչեմ գբեզ Տէր , մի փան բազում մեղաց խնոց՝ արդելցես զհայցուածս սուցա . զի քո են փրկեալք , և առ քեզ ըզձեռս համբառնան . և խնդրեն զհաշտութիւն :

Արդ ընկալ զծնրադրութիւն մաղթանաց սոցա՝ որպէս զնոր լուսաւորելոցն . և զհամբարձումն ձեռաց սոցա՝ որպէս զպատարագ երեկոյի . և զաղօթս սոցա՝ որպէս զհուռնկ անոյճ՝ առաջի բարերար թագաւորիդ . և ընդ հովանեալ թեւոց քոց ծածկեա զսոսա՝ պահելով յերեւելի և յաներեւոյթ թշնամեաց :

Որպէս զի անսպաս քրիստոնէութեամբ կացցուք յայսմ՝ աշխարհիս , և արժանի լիցուք երկնային կենացդ ընդ ամենայն սուրբս քո . և դոհանալով փառաւորեսցուք զքեզ ընդ Հօր և ընդ Սուրբ Հոգւոյդ . այժմ և միշտ և յաւիտեանս յաւիտենից . ամէն :

Որդի Աստուծոյ : Շարխան դճ . Ար 'ի վերայ բոլորս :

Աղօթք հանդերձ ծուեր . (որպէս 'ի վերայ) :

Դարձեալ աղօթք :

Որ ետդ Տէր՝ Տէր զօրութեանց և Աստուած ճշմարիտ , աղբիւր լուսոյ և կենաց՝ բղխեալ անքննաբար 'ի Հօրէ , հրաշագործ Սուրբ Հոգիդ :

Չոր խոստացաւ սրբոց Առաքելոցն Քրիստոս Աստուած մեր . որ մահուամբ ըզկապանս մահու ելոյճ , և զսկիզբն մե-

ղաց՝ փակեաց 'ի հուրն անչէջ և 'ի խաւարն արսաքին՝ անլոյճ կապանօք . անդ ամրափակեալ զպիղծ վիշապն՝ նորին ապրտամբ զօրութեամբն :

Եւ զարգելեալ հոգիան որ յԱգամայն՝ վերածեաց իւրով յարութեամբ , և վերացաւ առ Հայր՝ մերով բնութեամբս հանդերձ :

Եւ 'ի լուամն ամենայն խորհրդոց , զքեզ նորոգող և կենդանարար Սուրբ Հոգիդ՝ առաքեաց միսիթարիչ արտմեցելոցս :

Որ խոնարհեցար Աստուած յԱստուծոյ հօրէ , և եկիր 'ի վերնատունն անտանելիդ երկնից . լցուցեր անձառելի խնդութեամբ և շնորհօք զքո ընտրեալսքն՝ զորս առաքեցեր քարոզս բանին կենաց ընդ ամենայն երկիր :

Որք լին զոտիզերս ամենայն գիտութեամբ քո Տէր . և ծանուցին զմի աստուածութիւն քո՝ աշխարհի , բառնալով զկոռոցն զսնտփ պաշտօնն :

Ծնան սուրբ աւագանաւն զհեթանոսս յորդէգրութիւն Հօրդ երկնաւորի . եւ արարին զամենեւին երկրպագուս ամենասուրբ Երրորդութեանդ :

Յամենայն տեղիս եզին հիմունս սրբոյ Նիկիզեցւոյ . և հաստատեցին սեղան փառաց քոց , յորմէ կերակրեցին անմահական խորհրդովն զամենայն հաւատացեալս 'ի քեզ :

Չերկիրս՝ երկին արարեալ . երկնայնոցն զերկրայինս դասակցեցին :

Եւ արդ՝ Տէր Աստուած մեր ողորմած և մարդասէր , ընկալ զպաղատանս մեր զոր հայցեմք 'ի քէն , և հանգո զհոգիս ծառայից քոց՝ ննջեց լոց մերոց . որք և լուսաւորեալք հոգեւոր ծննդեամբն՝ քրիստոնէսց անուան արժանաւորեցան հաղորդութեամբ աստուածային մարմնոյ և արեանն . հաւատով և ուղիղ դաւանութեամբ փոխեցան յաշխարհէս . զորոց և զյիշատակն կատարեցաք այսօր յուսով փրկական պատարագիս՝ յաւուր երեւման քո :

Տէր ամենակալ , Աստուած մահիանացւաց և անմահից՝ արարիչ ամենայնի . և 'ի հանդերձելումն՝ յոյս ամենայն ծա-

գաց երկրի :

Որ 'ի վերջին աւուրս տօնի մեծի Պեն տէկոստէիս , զուարճացուցեր փառաւոր գալստեամբ քո 'ի վերնատունն՝ ըզ ժողովեալսն յանուն քո :

Ընդ և այժմ ձայնի աղաչանաց մերոց , և յիշեալ զյառաջագոյն ննջեցեալսն , և հանգո 'ի տեղուջ լուսոյ՝ 'ի խորանս արբոց քոց :

Յիշեալ զաղօթս և զպաղատանս նոցա , և զխոստովանութիւնն՝ 'ի կեանս եւ 'ի վախճանի . և թողութիւնն շնորհեալ մենայն յանցանաց նոցա . և արժանացո սպասել հատուցմանն հանդերձեալ փառացն , զոր պատրաստեցեր սիրելեաց քոց . և ընդ նոսին օրհնել զամենասուրբ զԵրրորդութիւնդ :

Եւ մեզ ժողովելոցս 'ի տաճար քո՝ երկրպագուացս և տօնողացս զոր ամենա կեցոյց գալստեանն քո , շնորհեալ զերկնային զխաղաղութիւնդ՝ և զնորոգումն հոգւոց և մարմնոց 'ի հնութեանէ մեղայ . ծնանիլ զմեզ վերստին ապաշխարութեամբ՝ եւ արտասուօք , եւ զորացո ըզ գաստութեամբ եւ արդարութեամբ ընդ սրբոց առաքելոցն՝ 'ի բնակութիւն քեզ . զի մի լիցի 'ի մեզ տեղի՝ և մուտ չարի :

Սրբեա՛ զչրթունս ծառայից քոց , և ըզ լեզուս՝ լեզուօքն հրեղինօք :

Ընդ հոգևորսն՝ հոգևոր օրհնութեամբ օրհնել , և սաղմոս ասել , և աղօթել յամենայն ժամ . սուրբ սրտիւ և հաստատուն հաւատով և խոնարհ հոգւով զբանաւոր պատարագս քեզ մատուցանել . և 'ի խորոց սրտէ արտասուալից պաղատանօք՝ խնդրել 'ի քէն զբաւութիւնն :

Եւ զամենայն զկեանս մեր՝ պարսպեալ յերկիւղ քո 'ի չարին խորհրդոց , 'ի բանից և 'ի գործոց :

Եւ արժանի արա՛ զմեզ 'ի հաճոյս քո կեալ , և ըստ կամաց քոց կատարել ըզ կեանս մեր ճշմարիտ խոստովանութեամբ , և ջերմեռանդ զըջմամբ , և փրկկական խորհրդոյն հաղորդութեամբ : Քահանայական յուզարկմամբ , ինուիրօք

և պատարագօք յիշատակիլ առաջի սրբոյ սեղանոյ քոյ :

Հանապազ առաջի անկեալ աղաչեմք զմարգասէր Սուրբ Հոգիդ , զի և զհոգւոց մերոց գնացս 'ի մարմնական կենացրս՝ պահեսցես աներկիւղ անցանել , և փրկիլ յօգային պիղծ այսոցն , առաջնորդելով յերկիր ուղիդ՝ և 'ի կեանս արդարոց . ուր հոգիք սրբոցն՝ ուրախութեամբ օրհնեն քեզ :

Եւ 'ի միւսանգամ նորոգմանն՝ 'ի գալստեան Փրկչիդ , զարթուցանել զամենեսեան 'ի ձայն փողոյ . յորժամ ստանաս յարութեամբ զամենայն մարդիկ , և նորոգես իւրաքանչիւր հոգւով :

Ի սպառնալեաց գեհենին՝ և յաներեւելի տանջանացն զերժուցես . և խառնեսցես 'ի բանակս սրբոց քոց՝ ընդ սիրելիս անուան քոյ , լինել ժառանգաւոր երկնից արքայութեանդ :

Եւ մեք բանաւոր հօտս՝ և հաւատացեալքս 'ի քեզ , օրհնեսցուք և փառաւորեսցուք զամենասուրբ զԵրրորդութիւնդ . այժմ և միշտ և յաւիտեանս յաւիտենից . ամէն :

Եւ 'ի վճարին , Հոգի Քստուծոյ . և այն ըստ կարգին ,
Իսկ յերկոյն թ . ժամուն , ժողովեցին յԵկեղեցին .
Սաղմոս՝ ճԻԲ .

Հոգիք Սուրբ և բարի՛ առաջնորդեսցէ ինձ 'ի յեր .
Ընթերցուածս 'ի Գործոց առաքելոց .
ԳԼ . Բ . 1 .

Եւ 'ի կատարիլ աւուրցն Պենտէկոստէից՝ էին ամենեքեան միաբան 'ի միասին :

Եւ եղև յանկարծակի հնչիւն յերկնից՝ եկեալ իբրեւ սաստիկ հողմոյ . և ելից զամենայն տունն յորում նստէին :

Եւ երեւեցան նոցա բաժանեալ լեզուք իբրեւ 'ի հրոյ . և նստաւ իւրաքանչիւր 'ի վերայ նոցա :

Եւ լցան ամենեքեան հոգւով Սրբով , և սկսան խօսել յայլ լեզուս՝ որպէս եւ հոգին տայր բարբառել նոցա :

Եւ էին յերուսաղէմ բնակեալք՝ Հրեայք ,